

ეუთოს საპარლამენტო ასამბლეაში საქართველოს მუდმივმოქმედი დელეგაციის  
ვიზიტი

აბრეშუმის გზის ჯგუფის (სილქ როუდ გრუპ) მეოთხე საერთაშორისო კონფერენცია

მივლინების ანგარიში

მივლინების ადგილი: ქ. სტამბოლი, თურქეთი

მივლინების თარიღი: 2022 წლის 18-19 ოქტომბერი

მივლინების მიზანი: აბრეშუმის გზის მეოთხე საერთაშორისო კონფერენციის  
მუშაობაში მონაწილეობის მიღება

საქართველოს პარლამენტის ევროინტეგრაციის კომიტეტის თავმჯდომარის მოადგილემ, ეუთოს საპარლამენტო დელეგაციის წევრმა ნინო იობაშვილმა მონაწილეობა მიიღო ეუთოს საპარლამენტო ასამბლეის აბრეშუმის გზის ჯგუფის კონფერენციაში (ქ. სტამბოლი, თურქეთი, 2022 წ. 18-19 ოქტომბერი).

კონფერენცია ორგანიზებული იყო ეუთოს საპარლამენტო ასამბლეაში თურქეთის დელეგაციისა და მისი ხელმძღვანელის, სელამი ალთინოქისა და აზერბაიჯანის დელეგაციის ხელმძღვანელის, აბრეშუმის გზის ჯგუფის თავმჯდომარის აზაი გულიევის მიერ. ღონისძიების მონაწილეები იყვნენ ამავე ჯგუფის წევრები ასამბლეის სხვადასხვა წვეყნებიდან. მთავარი განსახილველი თემა გახლდათ დაკავშირებადობის გაძლიერება ენერჯო და კვებითი რესურსების უსაფრთხოების უზრუნველსაყოფად კრიზისის პერიოდში.

მონაწილეებს ვიდეო მიმართვების მეშვეობით მიესალმენ ეუთოს მოქმედმა თავმჯდომარემ, პოლონეთის საგარეო საქმეთა მინისტრმა ზბიგნევ რაუმ და ევროკავშირის ენერჯო საკითხების კომისარმა კადრი სიმსონმა, ასევე თურქეთის პარლამენტისა და ეუთოს საპარლამენტო ასამბლეის ხელმძღვანელმა პირებმა.

ნინო იობაშვილმა მიიღო მონაწილეობა კონფერენციაზე გამართულ დებატებში. მან ყურადღება გაამახვილა დაკავშირებადობის მნიშვნელობაზე, ასევე ენერჯორესურსების და კვებითი რესურსების მიწოდების უწყვეტობის საკითხზე, ეროვნული და რეგიონალური უსაფრთხოების ჭრილში. მან აღნიშნა, რომ დაკავშირებადობა და ენერჯოუსაფრთხოების უზრუნველყოფა, უკრაინაში რუსეთის აგრესიის ფონზე განსაკუთრებულ დატვირთვას იძენს.

ნინო იობაშვილმა ასევე ისაუბრა ევროპული საბჭოს მიერ საქართველოსთვის ევროპული პერსპექტივის მინიჭების თაობაზე, ასევე საქართველოს მხრიდან გადადგმულ ნაბიჯებზე და მიმდინარე რეფორმებზე კანდიდატის სტატუსის მისაღებად. არსებული გამოწვევების მიუხედავად, ქვეყანაში არსებულ მაკროეკონომიკური სტაბილურობის კარგ დონეზე და ხელსაყრელ ბიზნეს გარემოზე.

კონფერენციის დასასრულს, მიღებულ იქნა აბრეშუმის გზის ჯგუფის სტამბოლის დეკლარაცია, რომელშიც დაკავშირებადობის სხვა საკითხებთან ერთად, აღბიძნულ იქნა ბაქო-თბილისი-ყარსის რკინიგზის მნიშვნელობაც.

სტამბოლის დეკლარაციაში აგრეთვე ხაზგასმულია რომ ეუთოს საპარლამენტო ასამბლეის წევრი ქვეყნები საკუთარ საქმიანობაში უპირატესად უნდა აღიარებდნენ ჰელსინკის დასკვნით აქტით განმტკიცებულ საერთაშორისო სამართლის პრინციპებსა და წესებს და მიისწრაფოდნენ გაეროს მიერ 2030 წლისათვის დასახული მდგრადი განვითარების მიზნების შესრულებისაკენ.

ანგარიში მოამზადა დელეგაციის მდივანმა

მ. გოგოლაძემ

25.11.2022